



## Universitätsbibliothek Paderborn

**Conversio Peccatoris, Seu Modus quo Peccator  
communiter resurgit ad justitiam.**

**Lefelon, Antoine**

**Bruxellis, 1675**

Vtrum aequè facilè ad paenitentiam convertatur is qui saepè relabitur,  
atque inveteratam mortaliter peccandi habet consuetudinem, ac ille, qui  
semel dumtaxat est lapsus?

**urn:nbn:de:hbz:466:1-9433**

## 98 C O N V E R S I O

Si enim hoc modo à suis vitiis minoribus  
justo sit resurgendum , quid mirum, si &  
impio peccatori , ut à consuetis suis mor-  
tiferis delectationibus amorem removeat  
atque de iis simul omnibus , ut oportet,  
pænitentia , pii laboris atque orationis in-  
incumbat necessitas?

## C A P U T I X.

*Vtrum aquè facile ad pænitentiam convertatur is*  
*qui sæpè relabitur , atque inveteratam morta-*  
*liter peccandi habet consuetudinem , ac ille ,*  
*qui semel dumtaxat est lapsus ?*

**D**ixerat cap. 12. Manuductio,  
sæpiùs recidivos non sic facile ac  
illum qui semel dumtaxat lapsus  
est , absolvendos , quòd illorum præ isto  
difficilior sit conversio. Ad hoc Appen-  
dix : Concedo , inquit num. 271. loquendo de  
totali conversione , nego de inchoata. Inchoa-  
tam intelligit , quæ ad Sacramenti susce-  
ptionem justitiamque sufficiat , quam  
proinde eadem facilitate vult ab utrisque  
comparari.

Verùm non hoc sentit , cuius hīc vi-  
deri vult inniti auctoritate, S. Gregorius.  
Etenim lib. 4. moral. 27. quatuor ponit  
mo-

L. 4 mo. c.  
27.

modos, quibus interior consensio peccato data consummetur in opere. Primus est ipsa consensio adhuc hærens in corde, quam sequitur pravi operis completio; dehinc in consuetudinem dicitur; ad extremum verò vel falsæ spei seductionibus, vel obstinatione miseræ desperationis enutritur. Cum enim culpa, inquit, in Ibid. cap. usum venerit, ei jam animus etiam si appetat, 25. debilius resistit; quia quot vicibus prava & frequen- tationis astringitur, quasi tot vinculis ad mentem ligatur. Vnde fit ut enervis animus, cum solvi non valet, ad quædam se solatia falsæ consolationis inclinet: quatenus venturum judicem tant & sibi misericordia & spondeat, ut eos etiam, quos arguen- dos invenerit, penitus non occidat. Cui rei hoc deterius accedit, quod ei multorum similium lin- gua consentit. Sciendum quoque est, quod tres illi modi peccantium juxta descensus sui ordinem fa- cilius corriguntur, quartus vero iste difficilius emendatur. Vnde & Redemptor noster puellam in domo, juvenem extra portam, in sepulchro au- tem Lazarum suscitavit. Adhuc quippe quasi mortuus jacet in domo qui latet in peccato. Jam quasi extra portam educitur, cuius iniquitas us- que ad inverecundiam publica & perpetrationis ape- ritur. Sepultura & vero aggere premitur, qui in perpetratione nequitia etiam usu consuetudinis pressus gravatur. Sed hos ad vitam miseratus re-

vocat: quia plerumque divina gratia, non solum  
in occultis sed etiam in apertis iniquitatibus mor-  
tuos & mole pravae consuetudinis pressos, respe-  
ctus sui lumine illustrat. Quartum verò mor-  
tuum Redemptor noster nuntiante discipulo agnos-  
cie, nec tamen suscitat, quia valde difficile est,  
ut is, quem post usum mala consuetudinis etiam ad  
ultimum adulantium linguae excipiunt, à mentis  
suæ morte revocetur.

Tres, inquit, illi modi peccantium juxta  
descensus sui ordinem facilius corriguntur. Se-  
cundus primo difficilius, sed minus ar-  
duè quam tertius. Cum enim pravo  
consensui adjungitur pravi operis com-  
pletio, hanc sequitur ejusdem operis pra-  
va delectatio, quâ prior mala cupiditas  
amplius nutritur & roboratur, ut jam  
arctius & tenaciùs eidem objecto ani-  
mam alliget. Pulchrè id elucidat Augu-  
stinus exponens istum Psal. 9. versum:  
*In muscipula ista* ( ubi nos legimus : *in*  
*laqueo isto* ) *quam absconderunt, comprehensus*  
*est pes eorum. Muscipula, ait, occulta est dolosa co-*  
*gitatio. Pes anima rectè intelligitur amor: amore*  
*enim moveritur tamquam ad locum quo tendit. Lo-*  
*cus autem animæ non in spatio aliquo est, quod*  
*forma occupat corporis: sed in delectatione quâ*  
*se pervenisse per amorem latatur... Pes ergo pecca-*  
*torum, id est, amor comprehenditur in muscipula,*  
quam

quam occultant: quia cum fraudulentam actionem consecuta fuerit delectatio, cum eos tradiderit Deus in concupiscentiam cordis eorum, jans illa delectatio alligat eos, ut inde abrumpere amorem, & ad utilia conferre non audeant: quia cum conati fuerint, dolebunt animo, tamquam pedem de compede exuere cupientes. Cui dotori succumbentes à perniciosis delectationibus nolunt abscedere.

Hæc tamen non sic dixerim, ac si universaliter completo opere, difficilius aut tardiùs resurgatur. Ipsa enim peccati turpitudo magis appetet in opere, & citius animam ob ea, quæ egit, facit confundi: quod, ut rectè Cyrillus Alex. *Hom. 5. in Principium bonorum est.* Hinc illud Hiero-*Ierem.* nymi: *Rubor vultus pudoris indicium est.* Et *In cap. 7.* conscientia peccatorum lucet in facie, spesque sa-*Ezech.* lutis est, quando delictum sequitur verecundia.

Eapropter Richardo à S. Victore nolim dissentire dicenti: *Quamvis peccatum actionis secundum aliquid sit majus peccatum, tamen cognitionis secundum aliquid est periculosius.* Nam peccatum actionis, quamvis forte majus sit ad reatum, peccatum tamen cognitionis vide ne forte difficilius sit ad sanandum. Peccatum enim manifestum quò magis erubescimus, è sàpè maturius corrigimus. Sàpè etiam culpa per actionem manifesta, vel admonitione corrigitur, vel

ultione percussa ab invito deseritur. Hinc est quod in Evangelio Lucæ prius juvenis mortuus extra domum elatus resuscitatus legitur, quam puella mortua quæ adhuc intra domum invenitur. Hoc tamen D. Gregorii doctrinæ contrarium non est, nam & sæpè experta delectatione roborata & aucta cupiditas vincit pudorem.

## §. I.

*Post peccatum sapienter commissum difficilior est conversio.*

**I**d verò maximè tum fit, si sæpè aut diu pravis saturandis desideriis & mala percipiendæ delectationi insistitur: ex hoc enim arctius muscipulæ peccatorum pes, id est, amor comprehenditur & concluditur, ut jam indè extrahi difficile sit & operosum. Propter quod dicebat

*Loco citato.* Gregorius: *Cum culpa in usum venerit, ei jam animus, etiam si appetat, debilius resistit: quia quot vicibus prava frequentationis astringitur, quasi tot vinculis ad mentem ligatur.* Hinc alibi

*Lib. 13. dicit: Facile inimico resistitur, si non ei vel in mor. c. 10. multis lapsibus, vel in uno diutiùs consentiatur. Sin verò ejus suasionibus anima subesse consueverit, quanto se ei crebriùs subjicit, tanto eum sibi intolerabiliorem facit, ut ei reluctari non valeat.*

Hic